



ՀՈՔԵԼՅԱՆԱԿԱՆ ՀԱՆԴԻՍՈՒԹՅՈՒՆ՝ ՆՎԻՐՎԱԾ ՀԱՅԱՍՏԱՆՈՒՄ ՍՈՎԵՏԱԿԱՆ ԿԱՐԳԵՐԻ ՀԱՍՏԱՏՄԱՆ 63-ՐԴ ՏԱՐԵԴԱՐՁԻՆ

Նոյեմբերի 29-ին լրանում է Հայաստանի Սովետական Հանրապետության կազմավորման վաթսուներեք տարին:

Հայ ժողովուրդը, ամեն տարի, թե՛ Հայաստանում և թե՛ Սփյուռքում մեծ խանդավառությամբ ու նորանոր հաջողություններով է դիմավորում իր ապագա գրության օրը: Մայր Աթոռ Ս. Էջմիածինը այս տարի ևս պատշաճ ձևով է նշում այդ հիշարժան տոնը:

Նոյեմբերի 27-ին, կիրակի:

Այսօր Մայր տաճարում, Ավագ խորանի վրա, հանդիսավոր ու պատարագ է մատուցում Մայր Աթոռի դիվանապետ Տ. Ներսես Էպոս. Պապապալյանը և «Հայր մեր»-ից առաջ ոգեշունչ և բովանդակալից քարոզ խոսում «Զի թեպետ եւ եմք ածու փոքր..., սակայն բազում գործք արութեան գտանին գործեալ եւ ի մերում աշխարհիս...» (Խորենացի) բնաբանով:

Սրբազան հայրը իր քարոզում շեշտում է, բե ինչպիսի մեծ նշանակություն ունեցավ փրկարար նոյեմբերը բազմաչարչար հայ ժողովրդի համար:

Հավարտ ու պատարագի, Վեհափառ Հայրապետի նախագահությամբ, կատարվում է հանրապետական մաղթանք՝ Հայաստանում սովետական կարգերի հաստատման 63-րդ տարեդարձի առթիվ:

Նույն օրը, երեկոյան ժամը 18-ին, Վեհաբանի հանդիսությունների դահլիճում, Վեհափառ Հայրապետի բարձր նախագահությամբ, հանդիսավորությամբ նշվում է Սովետական Հայաստանի 63-րդ տարեդարձը:

Սույն հանդիսությանը ներկա էին ուխտա-

վորաբար Մայր Աթոռում գտնվող Երուսաղեմի հայոց Ամենապատիվ Պատրիարք Տ. Եղիշե արքեպ. Տերտեղյանը, Գերագույն Հոգևոր Խորհրդի անդամները, Մայր Աթոռի միաբանությունը, հոգևոր ձեմարանի դասախոսական կազմը և ուսանողությունը, մայրավանքի պաշտոնեությունը և աշխատավորությունը ու բազմաթիվ հյուրեր:

Հանդիսությանը ներկա էին նաև ՀՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ռուբեն Պարսամյանը և տեղակալ Անդրանիկ Հասրաթյանը:

Հանդիսության բացումը կատարվում է ՀՍՍՀ պետական հիմնի նվագով և «Հայր մեր»-ով:

Այնուհետև հոգևոր ձեմարանի փոխտեսուչ Տ. Հայկապոս վրդ. Նաջարյանը հանդես է գալիս բացման հետևյալ խոսքով:

«Ողորմությամբ և կամոքն Աստուծո, հավաքվել ենք Արարատի լուռ հայացքի և Ս. Էջմիածնի հովանու ներքո՝ նշելու Հայաստանում սովետական իշխանության հաստատման 63-րդ տարեդարձը:

Նոյեմբերի 29-ը պարզապես մի սիստեմից մի ուրիշ սիստեմի անցում չէր, սովորական խաղաղ ընթացքով անկախության հաստատում չէր, այն մեր լինելության միակ ապավենն էր: Եթե չլիներ նոյեմբերի 29-ը, այսօրվա փոքրիկ Հայաստանն էլ կենթարկվեր մեր մնացյալ հողերի ձակառագրին: Տոնել նոյեմբերի 29-ը՝ նշանակում է նշել ծնունդը, վերննծյուղումը դարավոր հայ ժողովրդի: Հայ ժողովուրդը, որը հասել էր մահվան շեմին,



ԵՐԵՎԱՆԻ ՄԱՐԶԱ-ՀԱՄԵՐԳԱՅԻՆ ՀԱՄԱԼԻՐԻ ԴԱՀԼԻՃԸ

անցնող այս 63 տարիների ընթացքում, իր ստեղծագործ աշխատանքով և սովետական մյուս հանրապետությունների եղբայրական աջակցության շնորհիվ, ոտքի կանգնեց և այսօր իր պատվավոր ներդրումն ունի համայն մարդկության առաջընթացի մեջ: Անցնող ամեն տարի մի նոր հաղթանակ ու նոր վերելք է մեր հայրենիքի համար: Ամեն մի կառույց, լինի դա բնակարան, մետրո, օդանավակայան թե մարզական համալիր, անխուսափելիորեն կապում է մեր ներկան մեր անցյալի ու ապագայի հետ: Մեր ներկան կապում է մեզ ապագայի հետ, որովհետև ամեն մի վերելք ու առաջընթաց մի նոր վկայություն է հաստատում, թե Սովետական Հայաստանը համայն հայ ժողովրդի հավիտենական հայրենիքն է»:

Հայկապուն վարդապետի բացման խոսքից հետո, Սովետական Հայաստանի հիմնադրման 63-րդ տարեդարձին նվիրված բովանդակալից զեկուցումով հանդես է գալիս հոգևոր ձեռնարանի վաստակաշատ դասախոս Պարզև Հաբապյանը:

«Այս օրերին հայ ժողովուրդը ամենուրեք, Մայր Հայրենիքում թե սփյուռքում, համալգային մեծ խանդավառությամբ, լավատեսությամբ ու արժանավայել հանդիսավորությամբ պիմավորում է իր հայրենիքի ապատության և անկախության փառապանծ տոնը՝ Հայաստանում սովետական կարգերի հաստատման 63-րդ տարեդարձը:

Համալգային այս մեծ տոնին, վերածնված հայ ժողովուրդը ուրախ է և հպարտ երանությամբն այն ժողովրդի, որ երկար դարերի ստրկությունից հետո, համառ պայքարով և ապրելու անկոտրում կամքով նվաճել է իր ապատությունը և արդարորեն ուրախանում ու հպարտանում է իր հայրենիքով, իր նվաճումներով, մարդկության առաջընթացին ու ժամանակակից քաղաքակրթությանը բերած իր նպաստով:

Արդարև՝ հայ ժողովրդի պատմության մեջ ջրջադարձային նշանակություն ունեցող և ոսկեդեն տառերով գրված անմոռանալի տարեթիվ հանդիսացավ 1920 թվականի նոյեմբերի 29-ը: Այդ տարեթիվով վերջակիտվեց հայ ժողովրդի մռայլ ու արյունոտ անցյալը և սկիզբ դրվեց նոր, լուսաշող ներկայի:

Այդ տարեթիվով դարերով տրոհված, մահվան վիհի եզրին հասած բազմաշարքար, անօգնական և հյուծված հայ ժողովուրդը ոտքի կանգնեց՝ մեկընդմիջ թողափելով երկարամյա ստրկության փոշին, փշրելով ապատակության շղթան և արևի տակ նվաճելով կյանքի իրավունք, պետականություն և հայրենիք:

Հապարանակներ շարունակ հայ ժողո-

վրդի հոգում երբեք չի հանգել ապատության ծարավը և հայրենասիրության խոր պացմունքը: Եվ նոյեմբերի 29-ը այդ երկու պացմունքների՝ ապատասիրության և հայրենասիրության, ամենավառ, ամենաշքեղ արտահայտությունը հանդիսացավ: Նոյեմբեր 29-ով նա ստացավ այն, ինչին ձգտել էր դարերով, բայց զուրկ էր մնացել՝ ունենալ ապատ հող, խաղաղություն, հայրենիք:

Հնուց անտի հայը եղել է մշակութապես վարգաջած և քաղաքակրթված ժողովուրդներից մեկը: Իր հայրենիքի աշխարհագրական դիրքի բերումով կանգնած լինելով Արևելքի և Արևմուտքի աշխարհակալ հզոր պետությունների հանգուցային ճանապարհի վրա՝ հայ ժողովուրդը ամենահին ժամանակներից, «ընդ հուր և ընդ ջուր» անցնելով, հարկադրված է եղել տնապես պայքար մղել իր ֆիզիկական գոյության պահպանման համար: Մեզինից յուրաքանչյուրը առավել կամ նվազ չափով ծանոթ է անցյալում հայ ժողովրդի կրած տառապանքներին: Այդ տառապանքներն ու ողբերգությունը չի ապրել աշխարհում գրեթե ոչ մի ժողովուրդ: Սակայն հայ ժողովրդին խորթ է եղել հուսահատությունը: Ոչ մի բռնակալ, ոչ մի բարբարոս չի կարողացել նվաճել ու ընկճել նրա հայրենասիրական ոգին, ապրելու կամքը: Նա դիմացել, կործք է տվել դարերի արհավիրքներին, մի ձեռքում «Թուր կայծակին», պաշտպանել է իր հայրենի տունն ու պատիվը. մյուսում՝ իր հոգևոր պենքերը՝ իր հապարսմյա մշակույթը, գիրն ու գրականությունը, որոնք, դարձրած պողպատյա ամրակոշտ վահան, հերկել է իր հողը, կերել է իր արդար վաստակի գինը եղող իր հանապաօրյա հացը՝ խորապես հավատացած լինելով, որ հայոց «սևակնած» երկնքում մի գեղեցիկ օր՝ արև կծագի, կփայլի ապատության ծիածանը հայ երկնակամարի վրա:

Իր գոյության համար մղած դարավոր պայքարում հայ ժողովուրդը հաճախ, խաչակրաց օրերից սկսած, իր աչքերը հառել է Արևմուտքի մերթ այս, մերթ այն քրիստոնյա պետությանը և նրանցից սպասել իր փրկությունը իպուր: Արդարև՝ ի՞նչ տվեց քրիստոնյա Արևմտյան Եվրոպան հայ ժողովրդին. տարիներով չարաշահում «Հայկական հարցի», մի կողմից անվերջանալի շաղակրատանք հայ ժողովրդի ինքնորոշման իրավունքի շուրջ, իսկ մյուս կողմից՝ սանձարձակում Համիդյան ջարդարար, արյունոտ ձեռքերի: Եվ, ինչպես ծանոթ է բոլորիս, այդ ամենի հետևանքը եղավ այն, որ բնաջընջվեց աշխարհի հնագույն և քաղաքակիրթ բրիստոնյա մի ալգի՝ հայ ժողովրդի պգալի մի հատվածի մեծագույն մասը, իսկ մնացոր-

դացն էլ դուրս քշվեց իր պապենական բնիկ հողերից և սփռվեց աշխարհով մեկ: Հայ ժողովուրդը երբեք չի մոռանա իր ավելի քան մեկ և կես միլիոն եղբայրների և քույրերի գապանային կոտորածի արյունոտ պատմությունը:

1920 թվական: Պատմության թատերաբեմից անհետ կորչելու ստույգ վտանգի առաջ էր կանգնած հայ ժողովուրդը: Աղքատության, սովի, ռվանդությունների մահաբեր ուրվականը տավառում էր մեր ողջ երկրի վրա: Մեր դարավոր թշնամին, այս անգամ թիրախ դարձրած Արևելյան Հայաստանը, խուժում էր դեպի երկրի սիրտը: Ընդհանուր ազեղը, հայ ժողովրդի ֆիզիկական գոյությանն սպառնացող վտանգը, ամբողջ երկրում առաջ էր բերել համընդհանուր հուսալքություն: Հայ ժողովրդի համար օրհասական մռայլ այդ օրերին էր ահա, որ օգնության ձեռք մեկնեց մեր բարեկամ ռուս ավելի ժողովուրդը: Հայաստանում հաստատվեցին խորհրդային կարգեր, որոնց շնորհիվ արյունաքամ մեր երկիրը ռաբ դրեց սպգային-քաղաքական և սշակութային վերածնության միակ ու փրկարար ուղու վրա:

Հայ ժողովրդի ապստամբության և առաջադիմության գործում մեծ է եղել և անուրանալի ռուս ժողովրդի կատարած դերը: Դեռևս ջուրջ երկու հարյուրամյակ առաջ հայ առաջավոր մտավորականությունը գիտակցել ու գնահատել էր ռուս ժողովրդի հուսալի բարեկամության անհրաժեշտությունը: Իր երկրի միասնականությունն ու քաղաքական անկախությունը կորցրած հայ ժողովուրդը, հանձին իր հարևան հզոր Ռուսաստանի, տեսնում էր այն միակ իրական ուժը, որի օգնությամբ հնարավոր կլիներ թողափել գերությունն ու ստրկական անարդարությունը:


Առաջինը Արևմտյան էր, որ իր «Վերք Հայաստանի» պատմական վեպում, իբրև մեծ հայրենասեր, արտահայտեց հայ ժողովրդի համակրանքն ու վստահությունը ռուս ժողովրդի նկատմամբ, որի օժանդակության շնորհիվ Արևելյան Հայաստանը փրկվեց սլարակական դաժան բռնակալությունից: «Ռուսի անունը մեկ համար պետք է լինի սուրբ, ինչպես նրա արյունը, որով մենք ապստվել ենք ընդմիջտ ... Ռուսի միայն անունը ներշնչում է ամենքին, մինչև իսկ օտարին» սեր և անձնավորություն»: Արևմտյան այս քաղաքական հեռատեսությունը եղնում էր հայ ժողովրդի արմատական և կենսական շահերից և խոր համոզմունքից:

Նոյեմբերյան լուսաբացով հայ և ռուս ժողովուրդների պատմական բարեկամությունը առավել ևս ամրապնդվեց՝ վերածվելով սրբաշունչ և անքակտելի եղբայրության: Մեր

հայրենի աշխարհը կարողացավ իր հրաշալի փրկությունը գտնել, հաստատվել, ամրանալ, աշխարհի առջև կանգնել և հիացում պարտագրել բոլորին միայն ու միայն Սովետական Հանրապետությունների Միության Կապմության շնորհիվ, որի բաղկացուցիչ անդամներից մեկն է նա այսօր:

Անցնող վաթսու և ավելի տարիները պատմական մի մեծ ժամանակաշրջան չեն, բայց պատմական են մեր հայրենիքի ու մեր ժողովրդի ձեռք բերած նվաճումները: Այդ կարճ ժամանակաշրջանում բառացիորեն երաշքի համապոր վիթխարի փոփոխություններ են կատարվել գիտության, գրականության, արվեստի, ժողովրդական կրթության և լուսավորության, առողջապահության, բնակարանային շինարարության, արդյունաբերության, գյուղատնտեսության ասպարեզներում, ինչպես նաև հայ ժողովրդի հոգևոր-քաղաքական նոր կյանքի կերտման մեջ: Երեկվա որբի ու ողբի հայրենիքը այսօր դարձել է մշակույթի վառ օջախ, հզոր ու բարգալիս երկիր, հույսի հայրենիք, լույսի հայրենիք, նոր ու հզոր Հայաստան: Հայրենի ժողովուրդը այսօր իր ստեղծագործ աշխատանքով ու հանճարով ժայռերից վարդեր է քաղում, քարերը վերամիփոխում է հացի, յուսի, կլանքի և կլանքը դարձնում ներկա ու գալիք սերունդների համար բարիքների մի անսպառ աղբյուր: Այսօր, վերջապես, հայ ժողովուրդը տերն է իր հողին, հացին, պատվին ու կյանքին: Մոխիրների միջից հարյալ ոգին հառ ժողովրդի:

Անհնար է այստեղ մի առ մի թվարկել տնտեսական ու մշակութային այն խոշոր տեղաշարժերը, որ կատարվել են Հայաստանում սկսած 63 տարիների ընթացքում: Այդ մասին են վկայում ժամանակակից գործարանների և ֆաբրիկաների նոր շարքերը և նոր տեխնիկայի հիման վրա վերակառուցվող գյուղատնտեսությունը: Պատմական մեծ Հայաստանի արևելյան այս փոքր հատվածի վրա բարեգարգվեց ու զեղեցկացավ հայոց աշխարհը հայկական ճարտարապետական ոճով կառուցված հրաշալի կոթողներով, մշակույթի, գիտության ու արվեստի հոյակապ կառուցումներով: Արարատյան աշխարհը վերածաղկեց, հայոց լեռները բաց արեցին իրենց ընդերքում թաքնված գանձերը, հայրենի հողի վրա բնակվող հայությունը բազմացավ, աճեց և տվեցի քան քառապատկվեց: Աննախընթաց թափով զարգացավ քաղաքաշինությունը: Երևանը դարձավ գիտության, մշակույթի, արվեստի և ուսանողական հանրաճանաչ ուսումնարաններում մեր գիտությունն ու մշակույթը



ԵՐԵՎԱՆԻ ՍՏԵՓԱՆ ՇԱՀՈՒՄՅԱՆԻ ԱՆՎԱՆ ՀԱՄԱԳՈՒՄԱՐՆԵՐԻ ՊԱԼԱՏԸ

իրենց բարձրակետին հասան, և մշակույթի տարբեր բնագավառներում հայ ժողովուրդը ծնունդ տվեց հանճարեղ ու տաղանդավոր բավմաթիվ վավակների, որոնցից շատերն այսօր համաշխարհային հռչակ են վայելում և պատիվ բերում հայությանն ու ողջ մարդկությանը:

Ոչ մի դարում, ոչ մի ժամանակ հայ ժողովուրդն ու նրա պատմությունը, բնությունը, արվեստները, նրա առաքինությունները, ցավերն ու ուրախությունները այնպիսի շռայլությամբ ու լիառատությամբ չեն արժանացել օտարների գրչին ու գնահատանքին, ինչպես սովետական ժամանակաշրջանում: Այդ մասին են վկայում աշխարհի չորս ծագերից Հայաստան այցելող ամենապզի հյուրերը, որոնք հիացմունքով են արձանագրում մեր երկրի, մեր ժողովրդի ձեռք բերած աննախընթաց հաջողությունները: Ամեն անգամ, երբ մենք մեր թերթերում կարդում ենք նրանց տպավորությունները, որ «Հայաստանը ծաղկում է և բարգավաճում» կամ նրանց կարծիքը մեր քաղաքամայր Երևանի մասին, որ նա «աշխարհի գեղեցիկ քաղաքներից մեկն է», մեր սիրտը լցվում է հրճվանքի և արդարացի հպարտության պագցումով:

Թույլ տվեք Հայաստան այցելած օտարերկրացի հյուրերի՝ մեր երկրի ու մեր ժողովրդի մասին տարբեր առիթներով ունեցած բազում դրվատալից արտահայտություններից բավարարվել այստեղ քաղվածաբար հիշատակելով միայն մեկ վկայություն: Դա անգլիացի հայտնի մի լրագրողի անվերապահ գնահատականն է Հայաստանի և հայերի մասին: Ահա թե ինչ է ասում նա. «Իրոք դուք ջատ ուշագրավ մի ժողովուրդ եք, որ կարողացել եք մնալ այսքան կենսունակ և հավատարիմ ձեր ավանդություններին, երբ ամբողջ պատմությունն ու հանգամանքները ձեր դեմ են եղել: Ինձ թվում է, եթե այսօր ես հայ լինեի, խորապես հպարտ կզգայի ինձ և՛ հայ ժողովրդի պատմությամբ, և՛ ներկա Հայաստանով: Մի՞թե չափապանցություն կլինի ասել, որ Սովետական Հայաստանն արդեն այնպիսի գեղեցիկ, բարգավաճ, պառգացած մի երկիր է դարձել, որին ձգտում էր հայ ժողովրդի ամբողջ պատմությունը: Չեմ կարծում, որ դա չափապանցություն կլինի: Չեմ գեղեցիկ, բարեպաղո քաղաքներն ու գյուղերը, ինչպես նաև պատմական անկրկնելի հուշարձանները տեսնելուց հետո, ես հավատացի, որ շուտով դուք կդառնաք աշխարհի ամենապարզացած ու բարգավաճ պետություններից մեկը»:

Այսպիսին են ահա օտարների տասնյակ, հարյուրավոր վկայությունները վերածնված մեր հայրենիքի ու ժողովրդի մասին: Տակա-

վին մեկ դար առաջ ո՞ւմ մտքով կարող էր անցնել, որ ռուսակոխ արված մեր երկիրը, բոլորից արհամարհված, օտար դեսպաններից իլուր գութ և օգնություն հայցող, արևմտյան դիվանագիտության կողմից բազմիցս խաբված մեր ժողովուրդը ի վիճակի կլինի իր կռացած մեջքը ուղղելու, ոտքի կանգնելու և այսպիսի հրաշքներ գործելու:

Պատմական դժբախտ ճակատագրի բերումով, այսօր հայության գրեթե կեսը դեռևս ապրում է իր հայրենիքից դուրս, աշխարհով մեկ ցրված: Որևէ ազգ, որևէ ժողովուրդ չի կարող ապրել ու գոյատևել առանց հայրենիքի, առանց իր ոտքերի տակ ունենալու սեփական հող: Ինչպես ծառը, այնպես էլ ժողովուրդները ապրում, վարգանում ու վորանում են իրենց արմատներով, սնունդ ու ավիջ ստանում մայր հողից: Արտասահմանի հայության գոյատևումը, հետևաբար, սերտորեն կապված է հայրենիքի հետ: Սովետական Հայաստանը սփյուռքի հայության բարոյական ապաստանն է, օտարության մեջ նրա դժվարին և անհրապույր կյանքը գեղեցկացնող, իմաստավորող հեռավոր երազը, գերագույն հույսը: Սփյուռքի հայությունը, որպեսզի կարողանա պահել իր ինքնությունը, չդիմապարկվել, պետք է անհրաժեշտորեն իր հոգևոր ու ազգային-մշակութային սնունդն ստանա իր հայրենիքից, առանց որի հայկական ծառի այդ ճյուղերը կլինեն արմատազուրկ, կչորանան ու կկորչեն: Ահա թե ինչու Մայր հայրենիքը, որպես հոգածու ծնող, ըսկզբից նեթ իր գուրգուրոտ, բարի ձեռքերը տարածել է իր պանդուխտ, բայց հարապատ վավակների վրա, իր հնարավոր բոլոր միջոցներով աշխատել է տնայես վորակից կանգնել նրանց, որպեսզի նրանց հոգիները մայր երկրին և ժողովրդին կապող բարոյական օղակները ոչ միայն չթուլանան ու չխալվեն, այլև առավել ամրանան ու վորանան:

Հայաստանյայց Առաքելական Եկեղեցին, որ դար ու դարեր եղել է հայ ժողովրդի հոգևոր լույսի, ազգային մշակույթի անսպառ աղբյուր ու հայրենասիրության օջախ, հավատարիմ իր անցյալի ավանդությանը, այսօր էլ շարունակում է անշեղորեն կատարել իր հոգևոր, մշակութային և հայրենասիրական պարտքը հայ ժողովրդի նկատմամբ՝ մեծ սիրով և սրբությամբ: Մայր Աթոռ Սուրբ Էջմիածինը, հայրենասեր իր Հայրապետի՝ Ս. Տ. Վազգեն Ա Ամենայն Հայոց Կաթողիկոսի գլխավորությամբ, իր պատվավոր բաժինն է բերում հայրենիքի վերաշինության սրբապան գործին՝ վերանորոգելով, կառուցելով ու բարեկարգելով հայ հոգևոր մշակույթի բազում օջախներ: Վայելելով հայրենի կառավարության բարյացակամ օժանդակությունը՝ Ս. Էջ-

միաձինր, անցնող տասնամյակների ընթացքում, ամրապնդվեց, ծաղկեց, պորացավ ու բարձավ կապակերպված կրոնական լուրջ հաստատություն ոչ միայն հայկական, այլև միջնեղեցական, միջապգային չափանիշով:

Սուրբ Էջմիածնի Մայր Աթոռը, որպես հայնայն հայության հոգևոր կենտրոն, այսօր շարունակում է նաև կատարել իր պատմական նվիրական լերը՝ լույս սփռելով արտասահմանի հայության կյանքի վրա և հանդիսանալով ոսկեղեն կամուրջ հայրենիքի և ըստիությունի միջև: Ամենայն Հայոց Վեհափառ Հայրապետը իր գահակալության առաջին տարիներից բազում հովվապետական այցելություններ կատարեց դեպի սփյուռքի պահպան գաղթօջախներ և իր հայրենաշունչ պատգամներով լուսավորեց ու ջերմացրեց իր տարագիր պավակների հոգիները: Նորին Սրբության այդ օրհնաբեր այցելություններն ու պատգամները ունեցան մեր ժողովրդի տարանջատ բեկորները ի մի ձուլող, նրանց հոգիները Մայր Հայրենիքի և Ս. Էջմիածնի շուրջ կենտրոնաձգող ուժեղ ապոլեոնություն:

1979 թ. մայիսին Փարիսի «Գավո» սրահում սփյուռքահայ հանդիսականների խորհրդում բազմության առաջ արտասանած իր ճշտում Հայոց Հայրապետը այսպես էր բնութագրում նոյեմբեր 29-ի ունեցած պատմական փրկարար նշանակությունը մեր ժողովրդի համար. «Նոյեմբեր 29-ով փրկվեցավ այն, ինչ որ շահած էինք Սարդարապատով: Սա կենսական կարևորություն ունեցող ճշմարտություն մըն է: Նոյեմբեր 29-ն է, որ պատռեց սև դաշնագիրը Ալեքսանդրապոլի, դուրս վտարեց Քարաբեքի փաշայի լորքերը Հայաստանեն և վերջնականապես ամրացուց հիմքերը նորաստեղծ հայ պետության՝ անվտանգության, խաղաղության և աննախընթաց պարզացումի ու վերաշինության պայմաններում մեջ»:

Մեր հիշողության մեջ անջնջելի պիտի մնան նաև 1980 թ. մայիսի 22-ին Սովետական Հայաստանի 60-ամյակի առթիվ Նորին Սրբության հրապարակած սրբատառ կոնդակի խորիմաստ, իրավ հայրենասիրությամբ ներթափանցված հետևյալ սրտահույզ տողերը, որոնք, իբրև պատգամ, ուղղված էին աշխարհի չորս ծագերում գտնվող բոլոր հայորդիներին. «Մեր օրերի հայկական պետությունը միակ իրական ու ամրակուռ պատվանդանն է հայոց հայրենիքի ու ազգի գոյատևման, և միակ ճշմարիտ գրավականը նրանց ապագա էլ ավելի պայծառ ճառագայթումի:

...Հայեր մայր երկրից և բոլոր երկրներից, միացե՛ք այսօր հոգով ու սրտով և փառք տվե՛ք նախախնամողն Աստծուն անցնող

վաթսուն տարիների համար, և աղոթեցե՛ք, որ հայրենական վերածննդի և ծաղկման տարիները անվերջ շարունակվեն, որ ամեն տեսակի փորձություններ ու վտանգներ հեռու մնան մեր հայրենիքի սահմաններից, որ այլևս երբեք չար ձեռքեր չբանդեն Տունը հայոց, որ այլևս արցունք չտեսնեն մեր մայրերի և ջուրների աչքերը, որ Հայաստանը հավետ մնա կանգուն ու անսասան, շեն ու խաղաղ, և հայոց սեղանների վրա միշտ առատ լինեն հացն ու լույսը, երգն ու աղոթքը, որ հայաստանցին ամեն առավոտ իր հարևանին ողջունի ավանդական «բարի լույս»-ով»:

Այսօր հայրենի հողի վրա ամուր խաբրուխած իր ոտքերը՝ հայ ժողովուրդը ամրապնդում է իր հարապատ պետության հիմքերը, հրաշագործում ու պայծառապարդում է հայրենական սուրբ օջախը, որի լույսի ու ջերմության ուժով անօրինակ թափով դարբնվում է ոչ միայն ներկա, այլև գալոց սերունդների երջանկությունը:

Հայաստանյայց Առաքելական Եկեղեցին և Մայր Աթոռ Ս. Էջմիածինը՝ Ամենայն Հայոց Հայրապետի գլխավորությամբ, և հայ հավատացյալ ժողովուրդը երախտապարտ են հայրենի կառավարությանը և համապգային այս մեծ տոնի առթիվ արտեռանդն աղոթում են մեր աչքի լույս, մեր սրտի հույս Մայր Հայրենիքի է՛լ ավելի բարգավաճման, մեր ժողովրդի բարօրության և աշխարհի խաղաղության համար:

Թող հավետ օրհնյալ լինի, աչքի լույսի պես պահվի ու պահպանվի հայ ժողովրդի բազմությունը կերտված, գեղեցկացած, հպրացած Հանրապետությունը Հայոց:

Փա՛ռք վերածնված հայ ժողովրդին, ողջո՛ւյն մեր պանծալի մայր երկրին՝ Սովետական Հայաստանին»:

Հետաքրքիր և ոգևորիչ պեկուցումից հետո, լկավում է հանդիսության գեղարվեստական մասը:

Առաջինը ելույթ են ունենում հոգևոր ձեմարանի սաները՝ Տ. Ղևոնդ քին. Հարությունյանի ղեկավարությամբ և հերթականորեն կատարում են Է. Հովհաննիսյանի «Սարդարապատ», Կ. Զորաշյանի «Քեզ ենք երգում» և Ա. Հեքիմյանի «Երևանի առավոտը» երգերը: Այնուհետև ձեմարանի լավագույն ամուսնադուները հանդես են գալիս հայրենասիրական մի շարք բանաստեղծությունների խմբական արտասանությամբ «Ծաղկի՛ր, ապատ իմ հայրենիք» ընդհանուր խորագրով:

Չորս ստեղծագործությունների կատարմամբ հանդես է գալիս Լենինգրադի կոնսերվատորիայի ջրջանավարտ, երիտասարդ շնորհալի երգչուհի Էմմա Պապիկյանը: Նրա կա-

տարողական արվեստը ջերմորեն ընդունվում է ներկաների կողմից:

Ապա ելույթ է ունենում Էջմիածին քաղաքի մշակույթի տան ժողովրդական երգչախումբը՝ խմբավար Մարիկա Եղիզարյանի ղեկավարությամբ: Երիտասարդ երգիչ-երգչուհիներից բաղկացած սույն քառաձայն երգչախումբը մեծ ոգևորությամբ կատարում է Կոմիտասի և Կարա Մուրզայի ստեղծագործություններին:

Գեղարվեստական ծրագրի վերջում ելույթ է ունենում վաստակավոր կոլեկտիվ, Կոմի-

տասի անվան պետական լարային քառյակը՝ արժանանալով հանդիսականների բարձր գնահատությանն ու խանդավառ ծափահարություններին:

Հավարտ հանդիսության բոլոր ներկաները մեծ գոհունակությամբ հեռանում են դահլիճից՝ իրենց հետ տանելով վերածնված հայրենիքի պայծառ, լուսավոր և խաղաղ ապագայի նկատմամբ իրենց ունեցած հույսն ու հավատը:

ՎԱՐԴԳԵՍ ՍՐԿ. ՄԿՐՏՉԱՆՆ

